



Votaziuns cantunales dils 27-11-2022

L'urna ei aviarta (en canzlia communal)
gievgia e venderdis mintgamai duront las uras da spurtegl
dumengia, ils 27-11-2022, dallas 10.00 – 11.00 uras

Sonda e dumengia, ils 26 e 27 da november 2022 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 18-11-2022

Biro electoral

Radunonza da vischnaunca

La proxima radunonza da vischnaunca ha liug gievgia, ils 15 da december 2022 allas 20.00 uras a Rabius.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 14-06-2022
4. Tractaziun ed aprobaziun dil preventiv communal 2023
5. Fixaziun dils peis da taglia 2023
6. Tractaziun ed aprobaziun dil project sanaziun provediment d'aua Surrein e concessiun dil credit brut da 910'000 francs
7. Tractaziun ed aprobaziun dil project sanaziun parziala provediment d'aua Rabius e concessiun dil credit brut da 190'000 francs
8. Orientaziuns
9. Varia

Il preventiv 2023 sa vegnir retratgs sin canzlia duront las uras da spurtegl. Plinavon ei il preventiv disponibels sin la pagina d'internet www.sumvitg.ch.

Sumvitg, 18-11-2022

Suprastonza communal

Preavis

Sentupada cun Cusseglieir naziunal Martin Candinas

Gliendisdis, ils 28 da november 2022 stat sin gliesta da tractandas dallas Combras federalas l'elecziun da Martin Candinas sco president dil Cussegl naziunal.

Sonda, ils 3 da december 2022 ha liug a Rabiun ina sentupada cun Cusseglieir naziunal Martin Candinas. La sentupada entscheiva allas 13.00 uras cun in til festiv naven dalla staziun da Rabiun entochen la casa da scola da Rabiun. Silsunter han liug diversas producziuns da chors e dalla Societad da musica Surrein-Rabiun. Plinavon offerescha la vischnaunca in aperitiv.

La suprastanza communal envida vischinas e vischins sco era hosps interessai alla sentupada cun nies Cusseglieir naziunal Martin Candinas.

Sumvitg, 18-11-2022

Suprastanza communal

Il Grischun prepara la fiasta pil president dil Cussegl naziunal

El rom dalla sessiun d'unviern dallas Combras federalas eisi previu, ch'il cusseglieir naziunal Martin Candinas vegn eligius sco president dil Cussegl naziunal per la perioda d'uffeci 2022/2023. Mesjamna, ils 30 da november 2022, ha prevedentamein liug la fiasta ufficala a Mustér. Naven dallas 14.00 ei la populaziun cordialmein envidada da separticipar allas festivitads ufficalas.

Per entscheiver la sessiun d'unviern dallas Combras federalas stat gliendisdis, ils 28 da november 2022, l'elecziun da Martin Candinas sco president dil Cussegl naziunal sin la gliesta da tractandas dil Cussegl naziunal. Sch'el vegn eligius, ha liug mesjamna, ils 30 da november 2022, la fiasta ufficala en honor dil "pli ault Svizzer" ella vischnaunca da Mustér ed el marcau da Cuera.

Festivitads ufficalas ensemen cun la populaziun

Il nieveligiu president dil Cussegl naziunal viagescha en cumpignia dalla cusseglieira federala Viola Amherd sco era d'ulteriurs hosps naven da Berna en sia patria a Mustér. Il suentermiezdi baul arriva il tren special alla staziun da Mustér. Il til festiv entscheiva allas 14.00 alla staziun da Mustér e va entochen la baselgia claustrala da Mustér. Accumpignai vegnan ils hosps envidai dallas societads da musica indigenas dalla regiun. Igl act festiv uffical entscheiva allas 14.45 en la baselgia claustrala da Mustér, nua che la cusseglieira federala Viola Amherd, il president dalla Regenza Marcus Caduff sco era il nieveligiu president dil Cussegl naziunal vegnan a tener lur plaids. Pigl accumpignament musical digl act festiv procuran gl'artist indigen Mario Pacchioli sco er la sopraniista indigena Bettina Marugg Herrmann cul chor dil gimnasi da Mustér. Sunter la part ufficala ha liug in aperitiv. La populaziun ei envidada cordialmein da separticipar allas festivitads per liung dalla via, ella baselgia claustrala ed agl aperitiv suandont. Persunas interessadas che san buca esser el liug, han la pusseivladad da mirar il beinvegni uffical a Mustér via livestream da RTR.

Sunter igl act festiv uffical planisau en la baselgia claustrala da Mustér vegnan ils hosps envidai a viagiari vinavon cun in tren special en direcziun da Cuera ed a serender per l'occurrentza da sera ella Halla dil marcau da Cuera.

*Canzlia cantunala dil Grischun
Administrazion communal Sumvitg*

Clom da quens

Il quen communal vegn serraus cun ils 31 da december 2022. Per saver risguardar las expensas fatgas uonn el quen da gudogn e sperdita ein tut quels che han aunc dabiens viers la vischnaunca supplicai da dar quen sil pli tard entochen ils 16 da december 2022. Nus supplichein tuttas fatschentas sco era ils ufficals da vischnaunca d'observar quei termin.

Sumvitg, 18-11-2022

Suprastanza communal

Invitaziun alla sera dallas portas aviartas Project „habitaziuns da famiglias“

Cun la fin november 2022 vegnan las lavurs vid las habitaziuns novas en casa da scola a Sumvitg terminadas.

Bugen envida la suprastonza communal convischinas e convischins dalla vischnaunca Sumvitg alla sera dallas portas aviartas che ha liug **venderdis, ils 25 da november 2022**. Las portas ein aviartas naven dallas 19.00 uras. Allas 20.00 uras ha liug la part ufficiala cun il plaid digl architect Patrick Rothmund dil biro spacial design ed il plaid dil president communal. Silsunter vegn purschiv in pign aperitiv.

La suprastonza communal selegra sin Vossa viseta.

Sumvitg, 18-11-2022

Suprastonza communal

Serrada via Alp Glivers

Muort la raccolta da lenna ei la Via Glivers serrada naven dalla cruschada dalla via veglia (Foppa Liunga). Serrau eis ei naven da **gliendisdis, ils 14-11-2022 entochen prevententamein venderdis, ils 02-12-2022**. Las fin d'jamnas resta la via medemamein serrada.

Nus engraziein per Vossa capientscha. Per ulteriuras damondas supplichein nus da contactar nies selvicultur Beat Cadruvi (tel. 079 681 19 67).

Sumvitg, 18-11-2022

Departament forestal

Uras d'avertura deponia Igniu

Naven d'immediat entochen che la neiv arriva ei la deponia ad Igniu mo pli aviarta la sonda naven dallas 09.00 – 12.00 uras.

Nus supplichein per enconuschientscha e capientscha.

Sumvitg, 18-11-2022

Departament ambient

Donaziun fundaziun Greina

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen **ils 30 da november 2022** digl onn precedent cul formular correspondent tier l'administraziun communal. Nus supplichein per notizia da quest avis.

Sumvitg, 18-11-2022

Cumissiun Greina

Dis da viseta en scola

Nus envidein cordialmein las famiglias dils affons als dis da viseta ellas casas da scola a Rabius ed a Trun. Quels han liug **venderdis e sonda, ils 25 e 26 da november 2022**, e quei mintgamai igl **avonmiezdi**. Per evitar pli gronds disturbis supplichein nus las visetas da mintgamai entrar all'entschatta dalla lecziun e da sortir alla fin dalla lecziun. Nus supplichein era da risguardar igl uorden e l'atmosfera d'instrucziun. Ils bus da scola curseschan sonda avonmiezdi sco in avonmiezdi ordinari. Nus selegrein da Vossa viseta. *Consorti da scola Sumvitg-Trun*

Uniun da cultura e sport Cumpadials

Orientaziun e radunonza generala, sonda, ils 19-11- 2022, allas 18.30 orientescha la suprastonza dall'Uniun da cultura e sport Cumpadials davart ils resultats dalla retscherca pertuccont l'uniun ed il vischinadi. L'orientaziun ha liug en sala dalla casa da scola a Cumpadials. La suprastonza envida a caschun da quell'orientaziun tuttas persunas interessadas. Allas 19.00 ha liug la radunonza generala. Suenter radunonza offerescha l'uniun in pign pushegn.

Tractandas:

1. Beinvegni ed appel
2. Elecziun da dumbravuschs
3. Recepziun da commembers novs ed abdicaziuns
4. Approbaziun dil protocol dalla davosa radunonza
5. Rendaquen e rapport dils revisurs
6. Rapport dalla presidenta
7. Elecziuns e reelecziuns
8. Tractaziun dall'organisaziun futura dall'uniun ed
 1. elecziun d'ina gruppa da lavur
 9. Program da lavur
 10. Orientaziuns
 11. Varia

La suprastonza selegra sin ina stedia participaziun. *Suprastonza Uniun da cultura e sport Cumpadials*

SumvitgViva

Sera d'advent sin plaz Cadruvi a Sumvitg

Ils 25 da november 2022 allas 19.00 ha liug a Sumvitg sil plaz Cadruvi la sera d'advent. Ei vegn purschiu in pign program da divertiment ed era la Steila da Sumvitg vegn puspei surdada ad enzatgi pigl engaschi en favur da nossa cuminonza. Nus selegrein sin vossa viseta!
Cordialmein envida, *SumvitgViva*